

# Bibël për fëmijët paraqet



## Një Njeri i Dërguar nga Perëndia



Shkruar nga: Edward Hughes  
Ilustruar nga: Byron Unger; Lazarus

Përkthyer nga: Arianit Iljazi  
Adaptuar nga: E. Frischbutter; Sarah S.

Tregimi 37 nga 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

E drejta e kopjimit: Mund të bëni kopje ose ta shtypni këtë histori, nëse nuk do ta shitni.

Shqip

Albanian

Brenda tempullit të Perëndisë, një ditë,  
një prift i vjetër i quajtur Zakaria,  
po digjte temjan. Përjashta,  
njerëzit luteshin. Papritmas  
Zakaria u drodh.



Një engjëll kishte ardhur. "Mos ki frikë", tha ai.  
"Perëndia më ka dërguar. Gruaja jote do të ketë  
një bir. Quaje atë Gjon.



Ai do të mbushet me Frymën e Shenjtë që prej lindjes. Ai do të kthejë shumë njerëz tek Perëndia".



3

"Ç'ka ndodhur? Na flit Zakaria". Njerëzit përjashtë ishin të habitur.



4

Ata nuk e dinin që Engjëlli Gabriel i kishte thënë Zakarias se nuk do të fliste gjë në lindjen e fëmijës, sepse ai nuk i kishte besuar mesazhit nga Perëndia.



5

Ai mendoi se gruaja e tij ishte shumë e vjetër për të patur një beb.



6

Në shtëpi Zakaria shkroi gjithçka që engjëlli i tregoi atij. Elizabeta, gruaja e tij u mrekullua. Ata ishin lutur gjithmonë për një fëmijë. A mund të ndodhte tani?



7

Shpejt, Elizabeta e kuptoi se bebushi po vinte. Ajo lavdëroi Perëndinë. Një ditë, kushërira e Elizabetës, Maria, erdhi për vizitë. Edhe Maria po priste një bebush.



8

Kur Maria mbërriti, Elizabeta ndjeu bebushin e saj të hidhej brenda barkut të saj. Elizabeta ishte mbushur me Frymën e Shenjtë.




9

Ajo e dinte që bebushi i Marisë do të ishte Zoti Jezus Krisht. Së bashku, të dy gratë lavdëruan Perëndinë me gëzim.



10

Bebushi i Elizabetës u lind siç Perëndia kishte premtuar. "Quaje atë Zakaria, si babai i tij", thanë priftërinjtë e tjerë. Zakaria e kujtoi urdhërin e Perëndisë.



11

"Jo! Emri i bebushit është Gjon". Kur Zakaria shkroi këto fjalë, të folurit i erdhi sërish. Paskëtaj ai lavdëroi me zë Perëndinë.



12

Kur Gjoni u rrit, ai ishte si Elia, njeriu i madh i Perëndisë. Gjoni u tregoi njerëzve se Mesia ishte duke ardhur shpejt, për ti bekuar ata.



13

Drejtuesit Judenj e urrenin Gjoni sepse ai u thoshte atyre, "Pendohuni! Ndaloni së mëkatuari". Ata nuk donin të dëgjonin rreth mëkateve të tyre.



14

Te tjerët e quajtën atë Gjon Pagëzori, sepse ai i zhyste njerëzit nën ujë si dëshmi të keqardhjes që ata ndjenin për mëkatet e tyre.

Një ditë Jezusi erdhi tek Gjoni për tu pagëzuar.



15

"Ti duhet të më pagëzosh mua", Gjoni kundërshtoi. Por Jezusi tha, "Le të bëhet kështu". Dhe Gjoni e pagëzoi Atë.



16

Pas pagëzimit të Jezusit, Gjoni pa Frymën e Shenjtë të vinte mbi Jezusin në formën e një pëllumbi. Kjo ishte shenja e Perëndisë.



17

Gjoni e dinte që Jezusi është Biri i Perëndisë. Gjoni e quajti Jezusin, Qengji i Perëndisë, i Cili heq tutje mëkatit e botës.



18

Gjoni, drejtoi shumë njerëz tek Perëndia. Por Herodi, sundimtari i lig e burgosi Gjonin. "Është mëkat që ti të kesh Herodian, gruan e vëllait tënd, sikur të ishte e jotja", i tha Gjoni, Herodit.




19

Herodi e dinte që kjo ishte e vërtetë. Ai e dinte, që Gjoni ishte shërbëtori i Perëndisë, një njeri i drejtë dhe i shenjtë. Por, ai nuk donte të pushonte së mëkatuari. Dhe Gjoni nuk pushonte së predikuari kundër mëkatit, edhe pse e burgosën.




20

Në ditëlindjen e tij, Herodi bëri një festë të madhe. Vajza e Herodias kërcëu për të. Kjo i pëlqeu Herodit. "Ti mund të kesh gjithçka që do", premtoi ai. "Deri në gjysmën e mbretërisë time".



21

"Çfarë duhet të kërktoj?" vajza po mendonte. Mamaja e saj e ligë Herodia, e cila e urrente Gjonin, i tregoi asaj çfarë të kërkonte. Ishte, e tmerrshme.



22

"Më jep në një pjatë kokën e Gjon pagëzorit", i tha vajza Herodit. Atij i vinte keq për premtimin e tij, por ishte tepër krenar për ta thyer. "Pritjani kokën Gjonit dhe silleni këtu", urdhëroi Herodi. Ushtarët e tij iu bindën atij.



23

Të trishtuar miqtë e Gjonit, e varrosën trupin e shërbëtorit trim e besnik të Perëndisë.



24

Një Njeri i Dërguar nga Perëndia

Një tregim nga Fjala e Perëndisë, Bibla

e marrë nga

Markut 6, Llukës 1, 3

"Zbulimi i fjalëve të tua ndriçon dhe u jep mendje njerëzve të thjeshtë."  
Psalmet 119:130



Perëndia e di që ne kemi bërë gjëra të këqija, të cilat Ai i quan mëkate. Denimi për mekatin është vdekja.

Perëndia na don neve aq shumë sa që dërgoi Birin e Tij, Jezusin, që të vdes në Kryq dhe të paguaj dënimin tonë. Pastaj Jezusi u ringjall dhe u ngrit lartë në Qiell.

Nëse ti do që të pendohesh, thuaja këtë Perëndisë: Perëndi i dashur, unë besoj në Jezusin që vdiq për mua dhe jeton. Të lutem eja në jetën time dhe m'i fal mëkatet, në mënyrë që të kem jetën e re. Dhe që të jem me Ty përgjithmon. Më ndihmo që të jetoj për Ty si fëmija i Yt. Amen. Gjoni 3:16

**Lexo Biblën dhe fol me Perëndinë çdo ditë!**